

## **Μεκανα μετε yi Jak ketima**

Μεκανα μετε yoko, yo Jak te man ne Kumande Yesus kete yo. Μεκανα maka jeki beηe Beyuden bete be nja be bekriten, ε bo tedye bo mebone, ε bo si wanja ke dīyo ke njoka botu bete be yeti Beyuden baka.

Μεκανα μετε jeki lepō nde, bekriten yâkanḡwe jona kelō yasi te yi melepi me Njambye tedye bo ké.

Wuse yakama bake mekana maka ke nyanḡwe menḡabiye yini:

1. Tikina temō ke Yesus Krist nē mebobilan me te yi mumō sanḡwa nō kete ké (kumte 1-2).
2. Mō te ε tike temō ke yi Yesus Krist kō bīya dyem ne ke beya ndapi (kumte 3).
3. Yo yasi mendeya nde, bekriten nyêki temō ke meyasi me meneti maka (kumte 4).
4. Botu be kusuku dīy ne sōsō, ma bo me nje nye temō ke kusuku yan leḡsa Njambye. Menḡite ke kasi njena Krist (kumte 5).

<sup>1</sup> Yo mi Jak, mi bala Njambye bene Nyanḡwe Kumande Yesus Krist. Mi ke nyenō wunε, wunε mekandō me botu be Njambye kamō jō yiḡa be sima wanja ne to meneti maka baka.

*Kasi dyanō nē kasi tikina temō*

### *ke yi Njambiye*

<sup>2</sup> Wune njon, wune bēki ne nyanḡwe mesosa kome kwalo mebone hene dya pele wune yi bofe ne wune. <sup>3</sup> Keto wune duwa nde, mebone mete yi dya wune yi bofe ne tikina temo te yi wune tike ke yi Njambiye ke ta kelo nde, wune sum kol ne ngbingim ke no mbombu. <sup>4</sup> Yo nde, wune sum kol dete kumo ke njena mekele mun hene, ne wune nje be nda goto bomo ke meyasi hene kine tiko mono yaja wete ne wete na. <sup>5</sup> Ma nge dyano bane mbanja mumo ke njoka yun, na diya Njambiye, a ta nye nye yo. Keto Njambiye nyeki bomo hene meyasi ne kimo temo kine mebam na. <sup>6</sup> Ndi nde, mo te e diye yo ko tiki temo ke yi Njambiye kine simta na. Keto mo te e simta ko nda mekumbo me duku te yi pupo wumbidye, yo ma bendo piye ne kubulu kubulu ke. <sup>7</sup> Kwalo mo te mbete ti taka nde, Nyanḡwe Kumande ta nye nye yija yasi na, <sup>8</sup> keto mo te ne metake yiba, a ti pesi meyasi ndi nga wete ke mekele mene na.

### *Kasi mebuko ne kasi kusuku*

<sup>9</sup> Man wusu e kine yaja yi bomo yeti ke nye misi ke yotu ne ko lúksa yotu ne, keto Njambiye ke bendidye nye. <sup>10</sup> Ma yoko e ne budya meyasi ko lúksa yotu ne, keto Njambiye ke pidye nye. Sendi, siyna jonḡwe te e ne budya meyasi ko deke nedo nda njam jeta. <sup>11</sup> Yo nde, yeso ke bendo pano ne ban ban. Mbunjo ke nyolo, njam te ke soso kusiye, o beja, nyonjo te yeti se na. Mo te e ne budya meyasi ko ta yambile sendi dete ke moy kelna budya mesay mene.

### *Njambiyε yakama boβε wuse*

<sup>12</sup> Mɔ te ε sumε kol ne ηgbingim ke meβone mete yi dya nye yί boβε ne nye ké, Njambiyε ke nye nye mesosa, keto ηge nye si lanσα meβone mete, Njambiyε ta nye nye jonɔwe te yi kpo ne kpo, yite dɔngwe te yi nye kpoma yί lukse ne botu βete βe kwadyε nye βaka. <sup>13</sup> Nge meβobilan dya mumɔ, a tī lepi nde: <Yo Njambiyε> na, keto yija βeya yasi yeti ne deti te yi kelɔ nde, meβobilan dyaη Njambiyε na. Sendi, Njambiyε ne ηguru wene ti kél nde, meβobilan dyaη mumɔ na. <sup>14</sup> Yasi wete, meβobilan dyaη ke yi mumɔ kome βeya mewoβo mene ne ηguru wene dale nye nje sebile nye. <sup>15</sup> Ma ηge βeya mewoβo si ηganɔgile mumɔ, ɔ βéηa, βeya yasi dyaηma. Nge βeya yasi si kelna, sɔη dyaηma. <sup>16</sup> Wune njɔη, wune sɔη temɔ mβε, mumɔ tī sebila yotu ne ke meyasi menɔri na. <sup>17</sup> Kimɔ meyasi hene nè kpasa meyasi hene te yi mumɔ yakama βe nɔ ké wíla ke kwey, ke yi Da. Nye kuse meyasi hene te yi pane ke dyaβo ké. A yeti ke senjɔ ne nda yi yesɔ βene ηgwende dfiki kelɔ nde, ne su mejasi ne su yitil ké na. <sup>18</sup> Njambiyε ne ηguru wene kwadya nye wuse jonɔwe ne nje lepi ne yi lepe ndi gbakasi ké. A kelma dete, né wuse βe nda nyambi tɔmna ke njoka meyasi mete yi nye kusuma ké.

### *Kasi lenɔwa metɔ nè kasi kelnate*

<sup>19</sup> Wune njɔη, wune sɔη temɔ mβε, wune dúkwe nde, mumɔ hene βêki nedɔ te yi lenɔwe metɔ ke yasi te yi βesɔ lepe ké. Mumɔ tī jaki lepi

nda mbake na. Mumɔ tɪ woku ɲgambi nedɔ na. <sup>20</sup> Keto, ɲge mumɔ woke ɲgambi dɛte, a ti yaka kelo se meyasi mete yi ne ɲgben ke mbombu Njambiyɛ na. <sup>21</sup> Dete, wunɛ tɔm kɔɲ ne kwalɔ mekele me memi hɛnɛ nɛ kwalɔ beya meyasi hɛnɛ. Wunɛ jâya lɛpi te yi Njambiyɛ ɲgbalma ke temɔ yun ké ne pidya yotu, keto lɛpi te yakama jɔngwe wunɛ. <sup>22</sup> Ma wunɛ kɛl yasi te yi melɛpi me Njambiyɛ lɛpe nye wunɛ ké, yeti ndi gbela wokunate na. Mɔ te ɛ woke ndi woko kɔ ke sebile yotu ne ne ɲguru wenɛ. <sup>23</sup> Keto mɔ te ɛ woke melɛpi me Njambiyɛ kinɛ nje kelo yasi te yi yo lɛpe ké, nye nda mɔ te ɛ sengile mbombu ne ke mɔjoli. <sup>24</sup> Ma ɲge nye nje tɔke kɛndi ke kɔɲte kwɔ ké, ndana ndana a ma leɲsa mbombu ne. <sup>25</sup> Ma mɔ te ɛ nye temɔ ne hɛnɛ, nɛmbɛ kɛpasa mboɲga te ɛ soɲɛ mumɔ ke díyɔ bala, Njambiyɛ ta nye nye mesosa ke yasi te yi nye kele ké. Yo díya ndi nde, a kɛl tiɲ kelo dɛte, a tɪ woku ndi woko kwɔ leɲsa na, yasi wetɛ, a kɛl nda yi mboɲga te lɛpe ké. <sup>26</sup> ɲge mumɔ take nde, a ke kanɔ Njambiyɛ kimɔte kinɛ biye numbu ne ke ndapi na, yite mɔ te ne ɲguru wenɛ ke sebile temɔ ne, yite kanna Njambiyɛ te yi nye kanɛ ké gba gbelate. <sup>27</sup> Kɛpasa kanna Da Njambiyɛ, kanna te yi kinɛ mɔnɔ beya yasi ne mbet kete, yo nde: Mumɔ kâma benyuru nɛ bekusɔ boma ke meɔnɛ man, bakidyɛ yotu ne pupunate kinɛ kelo beya meyasi me menɛti maka na.

## 2

*Mumɔ tɪ nɛmba njoka bomɔ na*

<sup>1</sup> Wunε njɔŋ, wunε tɪ kel yasi βεŋgwε tεri mumɔ na, keto kelnate dεte yeti kε kεndɔ wεtε nε tikina temɔ te yi wunε tike kε yi Nyangwε Kumande wusu Yesu Krist kε na. A nε nyangwε meluksa. <sup>2</sup> Hε pân pa lepɔ nde: Bomɔ yiba nyinma komε wunε wesidya kε. Yɔkɔ nε bolo kε bɔ tandε lor nε kpasa melambɔ kε yotu. Ma yɔru buka mumɔ nε melambɔ nε jεgbε jεgbε kε yotu. <sup>3</sup> Ma wunε má yeŋsa ndi misi βεŋε ndi nε mɔ te ε nε kpasa melambɔ kε yotu kɔ lepɔ nye nye nde: <Nyangwε mbam, inja dɪyɔ wonɔga kε mbey te yi nyangwε bomɔ.> Kε kɔŋte, wunε má nje lepɔ nye buka mumɔ nde: <Ma wε, tema yɔ tema kaka,> ho nde: <Inja dɪyɔ waka kε nji mekol membε.> <sup>4</sup> Nɔge wunε kele dεte, 'yite wunε yeti kε kelo yasi kε njoka yun βεŋgwε tεri mumɔ na? 'Yite wunε yeti kε jɔse bomɔ wulε kε beya metake na? <sup>5</sup> Wunε njɔŋ, wunε sɔŋ temɔ mbε, wunε lɛŋgwε metɔ. 'Njambiyε tɪ tɔke ka botu βete yi botu βe meneti maka βεŋε nde bukate baka, né bo βε nε budya kpasa meyasi mete yi nye nye kε, keto bo kε tiko temɔ kε yenε na? 'A ti kél ka sendi dεte, né bo nyin kε \*Kandɔ dɪyεnε namɔ meyasi mete yi nye kpoma nye botu βete βe kwadyε nye baka na? <sup>6</sup> Yasi wεtε, wunε kε yeliye yun buka mumɔ. 'Ma, yeti botu βe kusuku kε nate wunε na? 'Yeti bo kε d'ale wunε kε nɔ kε membey mε pεsina jɔsi na? <sup>7</sup> 'Yeti bo kε toyε kimɔ dɪnɔ te yi Njambiyε nya wunε kε na? <sup>8</sup> Ma nyangwε mbonɔga te yi Kumande Njambiyε pεsima kε lépi nde: <Kwadyikwε mɔŋ nda yi wε kwadyε nε yotu yɔ kε.> Nɔge wunε kele dεte nda

yi yo ketinate ke mekana me Njambiyε kε, yite wunε kelma kimɔ yasi. <sup>9</sup> Yasi wete, ηγε wunε keke yasi beηgwe teri mumɔ, yite wunε kelma beya yasi. Yite mbonga Njambiyε ke lepɔ nde, wunε balma lepi, wunε botu be yangila mbonga. <sup>10</sup> Keto, ηγε mumɔ bakidye membonga hene, kpalo nje jɔsidye ko ndi monɔ yanga ne mbet ke moy mbonga wete, yite a ma balo ke membonga hene. <sup>11</sup> Ma mo te ε lepima nde: <Kpe, we ti kel wanja> ko, yo nye lepe sendi nde: <We ti woku mumɔ na.> Dete, ηγε we diyε kine kelo wanja, kpalo nje wo mumɔ, yite we ma yangile membonga hene. <sup>12</sup> Dete, wunε lepinaηgwe, kelo sendi yasi nda botu bete be Njambiyε ta jɔse beηgwe yasi te yi membonga mene lepe kε. Yo ndi membonga mete soηe wuse ke diyɔ bala. <sup>13</sup> Keto Njambiyε ti gwe ηgwete kome nye ta jɔse mo te ε ti gwe ηgwete besɔ ko na. Yasi wete, ηγε mumɔ gwe ηgwete besɔ, yite gwena ηgwete besɔ te yite lan sama josi.

*Tikina temɔ nε kelna kimɔ mekele*

<sup>14</sup> Wunε njɔη, ηγε mumɔ lepe ndi lepɔ ne numbu nde, a ke tiko temɔ ke yi Njambiyε kine mekele na, yite kama ηge? 'Njel tikina temɔ te yite ma jɔηgwe ka nye? <sup>15</sup> He pan pa lepɔ nde: Wete man wusu ho wete dyombu dyusu kine melambo na, ho nde, medye mete yi bo ta dye ke ndingele yeso yeti. <sup>16</sup> Ma ηge mbanja ke njoka yun lepe nye bo nde: <He sangwa, wunε kwāη ne te. Ne kēn wetina dite, nε wunε dyēnaηgwe ditɔ.> Ma ηge mo te diyε kine nye bo yasi te yi bo yakama jɔηna nɔ, 'yite lepinate ndi ne numbu

dete má kame nge? <sup>17</sup> Tikina temo te yi mumo tike ke yi Njambiyε kε sendi dete. Nge mumo lere nde, a ke tiko temo ke yi Njambiyε kine tedye yo ke mekele na, yite tikina temo te munte, keto yo kine mekele na.

<sup>18</sup> Ma mumo yakama lero nde: <We ke tiko yo temo ke yi Njambiyε, ma mi mbe ke kelo mekele. Ma tedya mi tikina temo te yi we tike ke yi Njambiyε kine mekele kε. Mi ta tedye mbe we tikina temo te yembe ne nje mekele.> <sup>19</sup> We ke tiko yo temo jaye nde, yo ndi ne Njambiyε wete ne wete, yite we ke kelo kimote. Ma beya mesisiη ke tiko sendi temo jaye dete, yasi wete, yo ke kpalo kelo nde, bo ηgwâηgwawε. <sup>20</sup> Lem mumo! We ke kwadye duwe ndana nde, 'nge mumo tike temo ke yi Njambiyε kine mekele na, yite gbelate? <sup>21</sup> 'Njambiyε ti pese ka nde, sanmbambo wusu Abaraham me ne ηgben ke mbombu wene keto mekele na? 'Njambiyε ti njaki peso dete, keto Abaraham bonma mono wene Isak ke no ke mbeη nyena sadaka, na bu nye kelo ne sadaka nye nye na? <sup>22</sup> We beηma ke yite nde, tikina temo te yi Abaraham tikima ke yi Njambiyε ne mekele mene kendima ndi wete. Mekele mete yi nye kelma ke mbombu Njambiyε kε nja tonje tikina temo te yi nye tikima ke yene kε. <sup>23</sup> Meyasi kwanama dete, ne leri te yi yo ketinate ke mekana me Njambiyε kε si tondu. Yo ketinate nde: <Abaraham tikima temo ke yi Njambiyε, ε Njambiyε pese nde, a me ne ηgben ke mbombu wene.> ε Njambiyε nje jeba nye nde so wene. <sup>24</sup> Wune ke beηe komete nde, Njambiyε

pési nde, mumo me ne ngben ke mbombu wene, keto mekele, yeti ndi keto tikina temo na.

<sup>25</sup> Sendi, Rahab te nya mewanja, 'Njambiyε tī pεse ka nde, a me ne ngben ke mbombu wene, keto kimō mekele mete yi nyε kelma ké na? 'Yeti keto a bohma botu bete yi bo tomma baka kimote nje kwandye bo yokidye ne mbanja nje dεle na? <sup>26</sup> Ma nge sosu duwe ke yotu mumo, mo te gwa, a me munte. Dete sendi, nge mumo tike temo ke yi Njambiyε kine mekele na, tikina temo te yite munte.

### 3

#### *Mumo biya dyem dyene*

<sup>1</sup> Wune njon, yo yeti kimote nde, budya bomo ke njoka yun beki ne hel tedya beso yasi na, keto wune duwa nde, wuse botu bete be tedye beso yasi baka, josi te yusu ta be detinate ke mbombu Njambiyε kwa yan. <sup>2</sup> Yo nde, wuse bomo hene ke josidye ke menje budyate. Nge mumo ti josidye ke yasi te yi nyε diki lepō ké, yite nyε mo te ε ne njololo. A yakama biye temo ke meyasi hene te yi nyε kele ké. <sup>3</sup> Nge wuse nyε sun ke numbu beyanga nde, né bo wokuna ne wuse, yite wuse ke kendo ne ndingele yotu yan hene. <sup>4</sup> Wune pan beje sendi nyanawe mekuka. Ko beko nde, yo nyanwete, ko beko sendi nde, yo nyanawe detina mapupo kele nde, yo ke kendo, yasi wete, yo mono wulo ne mbet tedye yo nje yi ke no kome mo dukunate kwadye ké. <sup>5</sup> Dete sendi, dyem, yo mono doku yotu, ma ko beko dete, a yakama dunawe beti ke nyanawe meyasi mete



yi nye kele ké. Wune pân ðe ðe nde, yo ndi monó mbulma ðite ne mbet lodye ndingele nyanḡwe ló ne sekep. <sup>6</sup> Dyem ndi sendi nda ðite. Kótu mekele mete yi botu ðe meneti maka kele ké ðiy hene ke ðyem. Ke njoka medoku me yotu su ðyem kete. Dyem ke ðekidyé ndingele yotu mumó, a ke ndambidyé ðite ke ndingele jonḡwe mumó. Dite te yi nye ndambidyé ké wúla ke nyanḡwe ðite te yi ti ðím ké. <sup>7</sup> Mumó ne ðeti te yi ðiye kwaló benyamó ðe likó hene kuse, ko ðenon ko benyamó hene ðe ðulma ðulmanḡwe ne moy, ko benyamó ðete ðe jonna ke ðuku, mumó sima si ðiye ðo kuse hene. <sup>8</sup> Yasi wete, ko mumó ti yaka ðiye ðyem kuse wete yesó na. Dyem yiña beya yasi te yi mumó ti yaka ndadye na. A ne mada te yi yakama wo mumó. <sup>9</sup> Ne kiya ðyem ke, wuse ke lukse Baba Mbokó te Da, ma ndi ne kiya ðyem te, wuse ke kita ne botu ðete ðe Njambye kusuma ðonna ne nye ðaka. <sup>10</sup> Nyena mekombila nè lepina yawo púndu ndi ke kiya numbu. Wune njon, yo tí kelnanḡwe ðete na. <sup>11</sup> 'Kiya njembi nḡ ðe wete yakama punje ka kimó móróku, punje sendi jona móróku? <sup>12</sup> Wune njon, 'njuku manḡolo yakama wumó ka mbumó fiya? Ho nde, njuku baña yakama wumó ka mbumó manḡolo? Dete sendi, nḡ te yi punje sanḡa sonḡo móróku ké ti yaka punje sendi kimó móróku na.

*Dyanó te yi wule pèle yi*

*Njambye ké*

<sup>13</sup> Nda ke njoka yun ne ðyanó, duwe sendi meyasi kimó duwate kó? Nḡe ðe nde, mbaña ne

dƳanɔ, duwɛ sendi mɛyasi dɛte, a pân pa tedye  
 yo kɛ kimɔ wɛyna jɔŋgwɛ, yite nde, kɛ kelna  
 kimɔ mɛkele. A pân pa tedye sendi yo dɛte nɛ  
 nje pidya yotu, né bomɔ bɛŋ gbate nde, a nɛ  
 dƳanɔ. <sup>14</sup> Yasi wɛtɛ, ŋgɛ wunɛ kele beya temɔ  
 nɛ hakaka sunɣwɛ nɛ bɛsɔ, sunɣna mɛyasi wúnɛ  
 bo, yite wunɛ tí gwaki lukse yotu yun nde, wunɛ  
 nɛ dƳanɔ na. Ma dɛte, wunɛ tí kel ja sunɣwɛ nɛ  
 gbakasi na. <sup>15</sup> Dyanɔ te yite ti wúla pɛle kwey,  
 pɛle yi Njambiyɛ na. Yo wúla kɛ mɛnɛti maka,  
 kɛ beya mɛtake mɛ bomɔ nè kɛ yi beya mɛsisin.  
<sup>16</sup> Keto kɛ mbɛy komɛ bomɔ kele beya temɔ  
 sunɣwɛ nɛ bɛsɔ sunɣna mɛyasi bɛnɛ bo, komɛte,  
 bomɔ kél mɛyasi nɛ kpalak kpalak, kelɔ sendi  
 kwalɔ beya mɛkele hɛnɛ. <sup>17</sup> Yasi wɛtɛ, dƳanɔ te  
 yi wulɛ pɛle kwey kɛ yi Njambiyɛ ké dɛlɛ. Yo dɛŋ  
 pupunate. Sendi, yo sán nde, bomɔ jòŋnanɣwɛ  
 nɛ tɛ tandɛ yan, kelɔ nde, mumɔ jòŋnanɣwɛ kinɛ  
 sá wɔw na. Yo kél nde, mumɔ tɛkwɛ to sunɣwɛ  
 nɛ bɛsɔ, kelɔ nde, mumɔ gwâki ŋgwɛtɛ jakɔsɔ.  
 Dyanɔ te kél nde, mumɔ kél kimɔ mɛkele, kelɔ  
 sendi nde, mumɔ tí kel yasi bɛŋgwɛ teri mumɔ  
 na. Yo kél nde, mumɔ kél yasi kinɛ likisi na.  
<sup>18</sup> Botu bɛtɛ bɛ kele nde, bomɔ jòŋnanɣwɛ nɛ  
 tɛ baka kél dɛte, keto mɛtemɔ man nɛ tɛ. Ma  
 yasi te yi bo ta nje kwɛdya kɛ mɛsay mɛte yi bo  
 kele ké ta bɛ nɛ ŋgbenɛ kɛ mbɔmbu Njambiyɛ.

## 4

*Wuse dƳy nɛ sɔsɔ nɛ*

*beya mɛwɔbɔ*

<sup>1</sup> To mɛwona nè metando wúla we ke njoka yun? 'Yo ti wúla ke beya mɛwobo mete yi lɔ dyambi tande yan ke medoku me yotu yun ké na? <sup>2</sup> Wune ke gorɔ yasi, ma wune yeti ke kwedya ya te na. Wune botu be wona bomɔ, wune sendi ne beya temɔ sunɔwɛ ne besɔ, ko wune ti yaka be ne yaɲa na. Yo ne metando ke njoka yun, wune sendi ke wona. Ma wune yeti ke kwedya yaɲa na, keto wune yeti ke diyɛ Njambiye na. <sup>3</sup> Ko bekɔ nde, wune ke diyɛ yasi, Njambiye yeti ke nye wune yaɲa na, keto wune ke diyɛ beyate, né wune sambɪ yo yí tonje ne beya mɛwobo mun. <sup>4</sup> Wune nda boma bete be tike benjonɔ ban kelɔ mewanja baka. 'Wune yeti ke duwe ka nde, kwadya meyasi me meneti maka, yo benna Njambiye na? Yo nde, mo te e kwadye nye temɔ ne hene ke meyasi me meneti maka ko ke kpalo nje be pendɔ Njambiye. <sup>5</sup> 'Wune táka ka nde, yasi te yi mekana me Njambiye lepe ké kine to te na? E nde: <Njambiye ke kwadye sisiɲ te yi nye nya wuse ke ngimo te yi nye kusuma ne wuse ké budyate. A góru nde, yo wókunaɲɔwɛ ndi gba ne nye nyepɔ.> <sup>6</sup> Yasi wete, a ke kelɔ ngikwa ne wuse kwɔ to te, keto mekana me Njambiye ke lepɔ nde: <Njambiye ke tumɔ kɔɲ ne botu be bendidye yotu baka, yasi wete, a kél kimɔ yasi ne botu bete be pidye yotu baka.> <sup>7</sup> Dete, wune pídyikwe yotu wokuna ne Njambiye. Wune pâyá \*Kum beya mekele, yite a ta kambɔ londɔ ke kɛki yun. <sup>8</sup> Wune kên ke kɛki Njambiye, yite a má kè sendi ke kɛki yun. Wune botu be mɛbeyɔ, wune sôɲa

kol ke kelna beya yasi. Wune botu bete be ne metake yiba baka, wune pûpudya metemo mun. <sup>9</sup> Wune wôku yotu, keto wune ne ngwete. Wune jábanḡwe lelo. Ne nde, wune nyêti, wune kpâl jaba. Ne nde, wune sôsanḡwe, wune kpâl be ne ngambi. <sup>10</sup> Wune pîdyikwe yotu ke mbombu Baba Mbokò, yite a ta bendidye wune. <sup>11</sup> Wune njon, wune tí kutunanḡwe tande yun na. Mò te e lépina beyate ne maḡ ho jòse nye kò lépinaḡwe beyate ne membonḡa me Njambiyé, jòse sendi yo. Ma nḡe we jòse membonḡa, yite we me mò te e yeti ke kelò se yasi te yi membonḡa lepe ké na. Komete, we me ndi mò te e jòse yo. <sup>12</sup> Mò nyena membonḡa mete, yo ndi nye be sendi mò pesina jòsi, a ne ðeti te yi jonḡwe mumò ho girise nye. We mò te e jòse jakòsò kò, we yò ba nda?

<sup>13</sup> Ma ndana, wune lêḡwe metò, wune botu bete be lepe nde: <Muka ho nemeno he ta kè ke ðya te yòkò ho ke yòru. He ta kwanḡye sew wete mate ðyanḡwe meyasi sòmbò ne mòni.> <sup>14</sup> Wune yeti ke duwe yasi te yi ta ðya wune nemeno ké na, keto jonḡwe ðyun ba yasi te nda? Yo nda wudye mbe te yi timbila ne vum kine kiko ké. Seker, yo má yambile. <sup>15</sup> Yasi wete, má wune lépi nde: <Nḡe Baba Mbokò jaye, wuse má jonḡa kè nò mbombu, wuse má kelò yike ho yiri.> <sup>16</sup> Ma ndana, wune ke lukse yotu yun ne gbèlate ke nyanḡwe metake mete yite. Kwalò luksa yotu te yite hene beyate. <sup>17</sup> Mò te e duwe kimò yasi te yi nye yâkanḡwe kelò nje ðiyò kine kelò yo kò kelma beya yasi.

## 5

### *Botu be kusuku d'iy ne soso*

<sup>1</sup> Ma ndana, wune l'engwe meto, wune botu be kusuku. Wune lel jaba, keto mebone mete yi ta balo keto yun ke. <sup>2</sup> Mekusuku mun sima bo, benya sima dye melambo mun. <sup>3</sup> Ngalma ma biye melor mun ne moni yun. Ngalma te ta tedye wune ne saṅsaṅ nde, mekele mun beyate. Yo ta kokile wune nda yi dite lodye ne yasi ke. Wune ndemma kusuku ndana ke metu mete yi ke ke siyna mboko ke. <sup>4</sup> Ne beṅa, wune ma dye moni botu bete be wesidya nyambi ke menḡwan mun baka. Botu bete ke lelo dukwe ne wune. Mekembi me botu be mesay bete kumma ke meto me Baba Mboko te \*Sabawot. <sup>5</sup> Wune jonnama ke meneti maka ke nyem nyem jonḡwe, kelo yasi nda yi temo yun kwadye. Wune dyenama doko ne ngboskoro, ko beko nde, yeso te yi Njambiye ta peso ne josi yun ke ma wuta. <sup>6</sup> Wune pesima josi bete ke to ngben mumo kwa wo nye. Ma a ti wa ke mebo mun na.

### *Wuse gbisi mebone*

<sup>7</sup> Dete, wune njon, wune gbisi kumo ke ngimo te yi Nyangwe Kumande ta nje ke. Wune beṅa nda mo beṅa mbeki gbise ladye kimɔ membumo mete yi ta wule ke meneti ke. A ke gbiso ladye kumo nde, bosa membiyo ne njena membiyo mete yi beṅa membeki siki no. <sup>8</sup> Wune sendi, wune beki ne gbisa dete, be ne nyan ke temo, keto Nyangwe Kumande ta be ke nje. <sup>9</sup> Wune njon, mumo ti bon lepi nye ke to jakoso na, ma Njambiye me nje jose wune. Ne beṅa, mo pesina

josi ke nje, a me ke numey. <sup>10</sup> Wune njon, ke kasi mebone ne gbisina yasi, wune taka botu be punja melepi me Njambiyε be dikima lepina ke dino Baba Mboko baka. Bo sangwama ne mebone, ε bo gbisima. Wune beki sendi nda bo ke yite. <sup>11</sup> Wuse ke kombile lεpo nde, botu bete be summa kol ne ngbik baka, Njambiyε nya bo mesosa. Wune wokuma kasi gbisa te yi Jop ba no ke. Wune duwa sendi yasi te yi Baba Mboko kelma ne nye ke siynate ke, keto a ne ngikwa budyate, a ke gwe sendi ngwete mumo. <sup>12</sup> Wune njon, ke meyasi hene, bosate yo nde: Wune ti kinjangwe yaɲa kaɲε bo kenje kwey tende meneti, ho kinja yiɲa kwalo mekinja na. Nge wune lεpe nde: <J,> yo bōna ndi nde: <J.> Nge wune lεpe nde: <Be,> yo bōna ndi nde: <Be.> Yo beki dete, ma josi Njambiyε me nje biye wune.

<sup>13</sup> Nge mbaɲa mumo ke njoka yun sangwa ne mebone, na ngwetaɲgwe ne Njambiyε. Nge mbaɲa be ne mesosa, a jēmbi mejembi yi sombile ne Njambiyε. <sup>14</sup> Nge mbaɲa mumo ke njoka yun kone, a jēbaɲgwe betomba mbanjo Njambiyε, ne bo ngwetaɲgwe ne Njambiyε keto ne, lombε nye mutō ke dino Nyangwe Kumande. <sup>15</sup> Mengweta mete yi bo ta kelo ne tikina temo ke yi Njambiyε ke ta jonɲgwe mo kon. O beɲa, Nyangwe Kumande ma tembidyε nye. Ma nge be nde, a kelma yiɲa beya meyasi, Njambiyε ma soɲε yo ke to ne ne ngwete. <sup>16</sup> Dete, baka jaya beya meyasi mete yi bo kele ke mbombu beso. Baka ngwetaɲgwe ne Njambiyε keto beso, ne

mekon man siy. Menḡweta mete yi mo te e me ne ḡben ḡ ke mbombu Njambiyē kele ne temo ne hene ké ke kelo nyanḡwe mesay. <sup>17</sup> Wune tâka Eli. A ba ndi sendi mumo nda wuse. A ḡwetama ne Njambiyē ne sosu ne hene nde, mbiyo ti noku na. E mbiyo pesiye ke mesew yitati nè ḡwendē yitan jo wete kine no se ke to meneti na. <sup>18</sup> Ke kante, e nye ḡweta ne koko ne Njambiyē, e dyobo bute bo ne mbiyo, e meneti kande sendi punja nyambi ne koko.

<sup>19</sup> Wune njon, ḡge mbanja ke njoka yun duwe ke ḡben nje londo tiko gbakasi, wete mumo yakama yokidye nye ne koko. <sup>20</sup> Ma wune dukwe nde, mo te e soḡe mo mebeyo dete ke beya nje te yi nye tokuma yokidye nye njese ke kimo nje, mo te jonḡwa sisin mo mebeyo te soḡe ke nje soḡ, kelo sendi nde, Njambiyē siki soḡe budya beya meyasi mete yi nye kelma ké ne ḡwete.

**Μελεπι με Njambye Jonja Mbon**  
**Kako: Μελεπι με Njambye Jonja Mbon New**  
**Testament**  
**Le Nouveau Testament en langue kako (kako-est)**  
**Cameroun et RCA**

copyright © 1999 Wycliffe Bible Translators, Inc.

Language: (Kako)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 13 Jul 2024 from source files  
dated 29 Jan 2022

01d5712f-3809-5574-9928-b20d539536e3